

1024 RBF/mcmm

Examinado o expediente tramitado para a contratación da "subministración de equipamento, instalación e xestión dun sistema de bicicletas de uso público en Culleredo", a adxudicar mediante procedemento aberto con multiplicidade de criterios de valoración.

ANTECEDENTES

1. Con data 1 de xuño de 2009, mediante a resolución nº 962, da Concelleira Delegada de Economía, Facenda, Réxime Interior e Seguridade, apróbase o expediente de contratación mediante procedemento aberto con multiplicidade de criterios de valoración, trámite de urxencia, da " subministración de equipamento, instalación e xestión dun sistema de bicicletas de uso público en Culleredo".
2. A tal efecto publícanse anuncios no diario La Voz de Galicia en data 9 de xuño, no BOP nº 130 de data 9 de xuño e no perfil de contratante solicitando ofertas de empresas capacitadas para a súa realización.
3. A Mesa Xeral de contratación en sesión celebrada o día 24 de xuño de 2009, analiza a documentación administrativa, e acorda admitir a totalidade das ofertas presentadas, que corresponden ás empresas: TUIMIL, S.A. e INSTITUTO TECNOLÓGICO DE CASTILLA Y LEÓN. A continuación procédese á apertura das ofertas técnicas presentadas, acordando remitilas aos Comité Técnico que deberán emitir un informe técnico debidamente motivado respecto dos factores de adxudicación, agás os criterios cuantificabeis de xeito automático (oferta económica e proposta de redución de prazos).

4. Visto o informe emitido o 29 de xuño de 2009 polo Comité de técnico designados polo órgano de contratación, a Mesa Xeral de contratación, en sesión de 30 de xuño, procede á apertura das ofertas económicas e de redución de prazos. Analizadas as ofertas a Mesa de Contratación acorda outorgar as seguintes puntuacións:

criterio	TUIMIL	ITCL
plan de prestación del servicio	17	22
calidad de los elementos afectos a la prestación	29	31
Subtotal 1	46	53
Disminución no prezo da subministración e instalación do equipamento	9,996	10
Disminución no prezo do servizo de xestión dun sistema de bicicletas de uso público	0	0
Disminución no prazo máximo de instalación e posta en funcionamento do servizo	5	3
Subtotal 2	14,996	13
TOTAL	60,996	66

En base aos criterios establecidos nos pregos de condicións administrativas particulares de aplicación determínase a oferta máis vantaxosas para esta Administración en base, e a Mesa de Contratación formula proposta de adxudicación a favor da empresa INSTITUTO TECNOLÓGICO DE CASTILLA Y LEÓN.

CONSIDERACIÓNS XURÍDICAS

1. O artigo 144 da lei 30/2007, pola que se aproba a lei de contratos do sector público (en adiante, LCSP), establece que no procedemento aberto con multiplicidade de criterios de valoración, a adxudicación recaerá no licitador xustificadamente elixido polo órgano de contratación, á vista da proposta pola Mesa de Contratación unha vez ponderados os criterios de selección establecidos no PCAP.

2. O artigo 135 LCSP establece que a adxudicación provisional acordarase polo órgano de contratación en resolución motivada.

En base a todo o que

RESOLVO:

PRIMEIRO.- Declarar a validez do acto celebrado

SEGUNDO.- Adxudicar provisionalmente o contrato administrativo especial de "subministración de equipamento, instalación e xestión dun sistema de bicicletas de uso público en Culleredo" á empresa INSTITUTO TECNOLÓGICO DE CASTILLA Y LEÓN , CIF G-09226606, por ser a que presenta unha mellor oferta considerando os criterios de adxudicación establecidos, fixando o prezo da subministración do equipamento e instalación do sistema en: 103.228,40 €, IVE incluído,(orzamento base: 88.990,00€; IVE: 14.238,40€); e o prezo da xestión do sistema en: 34.800 €, IVE incluído, (orzamento base: 30.000€; IVE: 4.800€) e o prazo de execución en 40 DIAS HÁBILES.

SEGUNDO.- Requirit ao adxudicatario provisional para que, durante o prazo de **10 días hábiles** contados dende o seguinte a aquel en que a adxudicación provisional se publique no perfil de contratante do órgano de contratación, presente a seguinte documentación: :

a) Documentación xustificativa de estar ao corrente no cumprimento das súas obrigas tributarias e coa Seguridade Social. Ambas as circunstancias poderán tamén acreditarse mediante o achegamento do certificado expedido polo Rexistro de Licitadores que acredite os anteriores extremos.

b) Xustificante de estar dado de alta no Imposto sobre Actividades Económicas e ao corrente no pagamento do mesmo, achegando para o efecto copia da carta de pagamento do último exercicio, á que se acompañará unha declaración responsable de non estar dado de baixa na matrícula do citado imposto. No caso de estar exento deste imposto presentarán declaración xustificativa ao respecto.

c) Documento acreditativo de ter constituído a garantía definitiva por importe do 5 por cento do importe de adxudicación, excluído o imposto sobre o valor engadido, por calquera dos medios a que se refire o art. 84 da LCSP.

TERCEIRO.- Comunicar ao adxudicatario provisional que, en cumprimento da cláusula 16 do prego de cláusulas administrativas particulares, antes da formalización do contrato deberá aboar en concepto de anuncios de licitación as seguintes cantidades:

BOP nº 130 de 09/06/2009 : 239,76 €
La Voz de Galicia, 09/06/2009 : 547,55 €

CUARTO.- Comunicar ao adxudicatario provisional que, unha vez transcorrido o prazo establecido no parágrafo segundo, se non se procedese á adxudicación definitiva do contrato a quen resultara adxudicatario provisional por non cumprir as condicións necesarias para isto, a Corporación procederá a efectuar unha nova adxudicación provisional ás interesadas seguintes a aquela, por orde de clasificación das súas ofertas na valoración, sempre que isto fose posible.

QUINTO.- De conformidade co disposto polo artigo 135.3 LCSP, notificar a presente resolución aos licitadores e publicar a adxudicación provisional no perfil de contratante do órgano de contratación, establecendo o prazo de cinco días hábiles a partir de tal publicación para facilitar información aos licitadores interesados sobre os motivos de rexeitamento da súa proposición e das características da proposición do adxudicatario que foron determinantes da adxudicación ao seu favor.

Contra o presente acto administrativo de trámite, cualificado en canto decide directa ou indirectamente o fondo do asunto, poderá interpoñerse recurso potestativo de reposición ante a Alcaldía-Presidencia, no prazo dun mes a contar desde o día seguinte ao da notificación do presente acto, ao abeiro do establecido no artigo 117.1 da Lei 30/1992, de 26 de novembro; ou ben, directamente, recurso contencioso-administrativo ante o Xulgado do Contencioso- Administrativo da Coruña que corresponda, no prazo de dous meses, desde o día seguinte ao da recepción da presente notificación, de acordo co establecido nos artigos 8.1 e 46.1 da Lei 29/1998, de 13 de xullo.

Non poderá interpoñerse recurso contencioso-administrativo, se se interpuxera o potestativo de reposición, en tanto non se resolva expresamente ou se produza a desestimación presunta do mesmo polo transcurso do prazo dun mes desde a súa interposición, de acordo co establecido no artigo 117.2 da Lei 30/1992, de 26 de novembro.

Neste caso, o prazo para a interposición do recurso contencioso-administrativo será de dous meses desde a resolución expresa do recurso, a contar desde o día seguinte ao da notificación do mesmo; ou ben, seis meses, a contar desde o día seguinte en que deba entenderse desestimado por silencio administrativo o citado recurso potestativo de reposición.

En todo caso, poderá interpoñer calquera outro recurso que estime conveniente para a defensa dos seus intereses.

Culleredo, 2 de xullo de 2009
A proposta de
O xefe de sección de xestión
orxamentaria

Conforme coa proposta, elévase a resolución
Culleredo,
A concelleira delegada de economía, facenda, réxime
interior e seguridade

Asdo/ Roberto Babío Fernández

Asdo./ Alicia Ferreiro Varela
(Resolución nº 1210/07 de data 2 de xullo de 2007; BOP nº176 , de 1/8/2007)

Dou fe,
O secretario xeral

Intervenido e conforme,
A interventora xeral

Asdo/ Raúl Martínez Martínez

Asdo/ Ana Mª Prieto Martínez